

**CENTRALNA BANKA  
BOSNE I HERCEGOVINE**

Broj: 150-15-4- 249-1 /21 SAK  
Sarajevo, 18.01- 2021. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

**ODLUKU**

**o izboru najpovoljnijeg ponuđača u postupku javne nabavke robe – softver za upravljanje procesom planiranja, provođenja javnih nabavki, nadzora provođenja ugovora i okvirnih sporazuma**

**Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku robe – softver za upravljanje procesom planiranja, provođenja javnih nabavki, nadzora provođenja ugovora i okvirnih sporazuma, putem otvorenog postupka, dodjeljuje ponuđaču ADDRESS d.o.o. Sarajevo, u svemu prema Ponudi broj: 358/2020 od 11. novembra 2020. godine i Izvještaju o toku i završetku e - aukcije.

**Član 2.**

Prema Izvještaju o toku i završetku e – aukcije ponuda ponuđača iz člana 1. ove odluke glasi na iznos od:

30.000,00 KM bez uračunatog PDV-a  
(slovima: trideset hiljada konvertibilnih maraka i 00/100)

odnosno

35.100,00 KM sa uračunatim PDV-om  
(slovima: trideset pethiljadasto konvertibilnih maraka i 00/100).

**Član 3.**

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za informacione tehnologije Centralnog ureda Centralne banke Bosne i Hercegovine (u daljem tekstu: Odjeljenje za informacione tehnologije).

**Član 4.**

Za realizaciju ove odluke zadužuju se Odjeljenje za javne nabavke, Odjeljenje za informacione tehnologije i Odjeljenje za računovodstvo i finansije Centralnog ureda Centralne banke Bosne i Hercegovine.

**Član 5.**

Ova odluka će se objaviti na web stranici Centralne banke Bosne i Hercegovine, [www.cbbh.ba](http://www.cbbh.ba), istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

## O b r a z l o ž e n j e

Postupak javne nabavke robe – softver za upravljanje procesom planiranja, provođenja javnih nabavki, nadzora provođenja ugovora i okvirnih sporazuma, putem otvorenog postupka, pokrenut je Odlukom o pokretanju postupka, broj: 150-15-4-2117-2/20 SAK od 30. oktobra 2020. godine. U skladu s tim, Centralna banka je 06. novembra 2020. godine na portalu Javnih nabavki objavila Obavještenje o nabavci broj: 1370-1-1-389-3-282/20.

U roku određenom za prijem ponuda, odnosno do 23. novembra 2020. godine, blagovremeno su dostavljene ponude sljedećih ponuđača:

1. ADDRESS d.o.o., ul. Marka Marulića 2C, 71 000 Sarajevo i
2. GUINEA d.o.o., ul. Petra Svačića bb, 72 250 Vitez.

Komisija za provođenje postupka javne nabavke (u daljem tekstu: Komisija) je izvršila pregled i ocjenu ponuda dana 24. novembra 2020. godine i u svom Zapisniku o pregledu i ocjeni ponuda, broj: 149-15-4-2210-6/20 od 26. novembra 2020. godine i Izvještaju o radu komisije sa preporukom, broj: 149-15-4-2210-7/20 od 26. novembra 2020. godine konstatovala da su ponude ponuđača **Address d.o.o. Sarajevo i Guinea d.o.o. Vitez** neprihvatljiva iz razloga što su ponuđači dostavili kopije Aktuelnog izvoda iz sudskog registra sa ovjerom samo posljednje stranice izvoda.

Centralna banka je dana 30. novembra donijela Odluku o poništenju postupka javne nabavke, broj: 150-15-4-2117-5/20 SAK.

Oba ponuđača su uložila žalbu na Odluku o poništenju postupka javne nabavke. Žalba ponuđača Address d.o.o. Sarajevo je zaprimljena u Centralnoj banci dana 07. decembra 2020. godine, a ponuđača Guinea d.o.o. Vitez dana 09. decembra 2020. godine. Centralna banka je usvojila obje žalbe, stavila van snage Odluku o poništenju postupka javne nabavke, broj: 150-15-4-2117-5/20 SAK od 30. novembra 2020. godine i vratila postupak u fazu pregleda i ocjene ponuda.

Komisija je izvršila ponovni pregled i ocjenu ponuda i konstatovala da ponude ispunjavaju sve uslove tražene tenderskom dokumentacijom. E – aukcija je zakazana za 28. decembar 2020. godine sa početkom u 12.00 sati.

U skladu sa kriterijem najniža cijena i Izvještajem o toku i završetku e – aukcije, Komisija je u svom Zapisniku o pregledu i ocjeni ponuda broj: 149-15-4-149-1/21 od 06. januara 2021. godine i Izvještaju o radu Komisije sa preporukom, broj 149-15-4-149-2/21 od 06. januara 2021. godine, dala preporuku za donošenje odluke kao u dispozitivu.

### **Pouka o pravnom lijeku:**

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.



Dostaviti:

- guverneru
- viceguvernerima
- uredu glavnog internog revizora
- predsjedniku i članovima komisije
- Odjeljenju za računovodstvo i finansije (original)
- Odjeljenju za informacione tehnologije
- Odjeljenju za javne nabavke (original)
- u spis predmeta (original)